

**DATUM:** 11 MAART 2016 OM 09:00  
**ONDERWERP:** *Attacq the Future*-program sorg vir toekomsopgewondenheid by plaaslike leerders  
**EMBARGO:** **Geen – gebruik gerus**

---

**DIE ATTACQ THE FUTURE-PROGRAM STEL GEORGE LEERDERS BLOOT AAN GROOTSKAALSE EIENDOMSONTWIKKELING, TOPVLAK SAKELUI EN NUWE TOEKOMSPERSPEKTIEWE**

**WATERFALL, GAUTENG (SUID-AFRIKA) – Onkokame “Koka” Leeuw van Rundle College en Francois Schoeman van P.W. Botha Kollege is deur Attacq Beperk, in samewerking met Garden Route Mall, die geleentheid gebied om as deel van hul *Attacq the Future*-program dié JSE-genoteerde maatskappy in Gauteng te besoek.**

“Hierdie unieke ervaring sal ek vir die res van my lewe koester. Ek is blootgestel aan dinge wat ek nog nooit in Suid-Afrika gesien het of verwag het om te sien nie. Waterfall is ‘n samekoms van Suid-Afrika se beste tegnologie, ontwikkelingpotensiaal en infrastruktuur,” meen Onkokame “Koka” Leeuw van Rundle College.

“Ek het nooit geweet dat Suid-Afrika oor sulke topklas-ingenieurs beskik nie. Dit is definitief ‘n beroep wat ek wil nastreef. Ek is trots daarop om in Suid-Afrika te bly en sal nie sommer die land verlaat nie,” sê Francois Schoeman van P.W. Botha Kollege ná sy besoek aan Attacq se Waterfall City (‘n nuwe stadbesteding vir korporatiewe hoofkantore tussen Johannesburg en Midrand) en die firma se nuwe supergroot streekswinkelsentrum Mall of Africa (wat op 28 April 2016 met meer as 300 winkels open).

Die *Attacq the Future*-program ondersteun onderwys en jeugontwikkeling in samewerking met die groep se streekswinkelsentrums in George, Potchefstroom en Stellenbosch. Die inisiatief stel hul in staat om hul betrokkenheid as verantwoordelike korporatiewe burgers by Suid Afrikaanse jeug uit te brei. Die program gee ook aan die toppresterders van skole wat naby hierdie Attacq winkelsentrums die kans om ‘n genoteerde maatskappy se finansiële resultate-voorlegging by te woon asook om van top sakelui te leer hoe die JSE werk.

Leerders kry die geleentheid om sinvolle interaksie met die Attacq-uitvoerende bestuur te hê en ontwikkel ‘n beter begrip van wat die verskillende rolle van ‘n genoteerde maatskappy se topbestuur behels. Hulle word touwysgemaak oor die geskiedenis van die JSE en hoe maatskappye, soos Attacq, daarin slaag om in ‘n dinamiese sake-omgewing te floreer.

Dit is die derde agtereenvolgende jaar wat Attacq dié program aanbied. Die hoofbestuurder van die Garden Route Mall nader jaarliks die hoofde van omliggende skole om die toppresterders in ekonomiese en bedryfswetenskappe te nomineer. Die genomineerde kandidate skryf briewe wat hul deelname aan die projek motiveer. Die sentrum se hoofbestuurder kies dan twee leerders op grond van hul motiveringsbriewe om aan die program deel te neem. Hierdie program is nie noodwendig op minderbevoorregte leerders

gemik nie, aangesien daar oor die jare 'n balans tussen leerders van alle sosio-ekonomiese omstandighede was.

Volgens Lianda van Zyl (Garden Route Mall se finansiële bestuurder) het die besoek 'n vreeslike groot indruk op albei van die seuns gemaak. "Francois was nog nooit in Johannesburg en het ook nog nooit gevlieg nie. Ek het die besoek rerig geniet en ongelooflik baie geleer maar ek dink ook om die besoek deur Francois te beleef het dit nog meer spesiaal gemaak vir my," vertel Van Zyl. "Beide kinders het my gisteraand gewhatsapp en weer dankie gesê vir die ongelooflike ondervinding en wat hulle geleer het. 'n Mens vergeet maklik wat ons het en wat ons aanvaar as alledaags," meen sy.

Die omvangryke hoofkantoor-stad Waterfall City met die reuse Mall of Africa en die PwC wolkebrabber het die leerders opnuut geïnspireer om hul toekoms met opgewondenheid aan te pak, aangesien dit nuwe potensiele bedryfsberoepsgeleenthede aan die leerders blootgelê het.

Nog 'n hoogtepunt van dié jaar se program was beslis die leerders se besoek aan die Group Five-hoofkantoor. Die omvang en buitengewone ingenieursvernuf van die gebou het die leerders uit die veld geslaan. Die gebou beskik oor talle groen-ontwerpelemente wat Attacq se toewyding aan volhoubare ontwikkeling ten toon stel.

Die leerders is ook oor aandete deur die diverse leierskorps van Attacq onthaal. Dit word doelbewus gedoen om leerders bewus te maak van die diverse span wat 'n tipiese genoteerde eiendomsmaatskappy benodig om hoë-operasionele sukses te behaal en te handhaaf.

Die program bevestig Attacq se toewyding aan die drie steunpilare waarop die besigheid gevestig is naamlik, ontwikkeling, belegging en groei: Attacq **belê** in Suid-Afrika se toekomsleiers en vestig leerders se aandag op hul vaardigheds**ontwikkeling**-potensiaal wat hul toelaat om as individue en toekomsleiers te **groei**.

Danny Vermeulen (Attacq se bemagtigingspesialis), is al sedert die program se ontstaan in 2015, daarby betrokke. "Die *Attacq the Future*-program gee aan leerders, wat onder normale omstandighede nie noodwendig die geleentheid sal kry nie, 'n kans om 'n groot korporatiewe omgewing eerstehands te ervaar. Ek wil graag die Attacq-storie met vandag se jeug deel en dit is my wens dat ons die leiers van môre met die kennis wat hulle vir die toekoms sal benodig, sal toerus en hulle aan die verskeidenheid beroepsgeleenthede wat dié bedryf bied, sal blootstel," het Vermeulen gesê.

**FIN**

---

## **REDAKTEURSNOTAS:**

**Hierdie verklaring is uitgereik deur Stone namens Attacq.**

**Kontak asseblief vir Willem S Eksteen van Stone** of die Stone-span by [attacqmedia@stoneconsult.net](mailto:attacqmedia@stoneconsult.net), [willem@stoneconsult.net](mailto:willem@stoneconsult.net) of 011 447 0168 vir meer media-inligting, foto's of onderhoudversoeke.

#### **MEER INLIGTING OOR ATTACQ:**

- Attacq is 'n vooraanstaande Suid-Afrikaanse kapitaalgroefonds in die eiendomsektor.
- Attacq se strategiese eiendomsbesit en -ontwikkeling lewer deurgaans groei op sy beleggers se kapitaal
- Attacq het 'n uiteenlopende beleggingsportefeulje met 'n voortreflike risikoprofiel – sy internasionale ontwikkelingsvoetspoort versterk die Attacq-diversiteit buite sy Suid-Afrikaanse portefeulje
- Attacq fokus op volhoubare kapitaal-waardevermeerdering deur die ontwikkeling en eienaarskap van 'n gebalanseerde portefeulje van eiendomme met kontraktuele inkomstestrome
- Attacq strewende na langtermyn volhoubare kapitaalgroei deur die daadwerklike belegging in en bestuur van grond, eiendomsontwikkelingsregte en beleggingseiendom en om voordeel te trek uit langtermyn, strategiese sleutel-verhoudings en strategiese belyning

#### **KERNFEITE OOR DIE GARDEN ROUTE MALL**

- Die Garden Route Mall bly die dominante streekswinkelsentrum in die gebied wat tussen Mosselbaai en Plettenbergbaai geleë is
- Die winkelsentrum beslaan 'n totale grondoppervlak van 53 362 m<sup>2</sup>
- Die winkelsentrum het 119 huurders waarvan 87% nasionale huurders is
- Pick n Pay, Woolworths, Game, Edgars, Dischem en Fruit & Veg is anker-huurders van die winkelsentrum